



NA NIKIHTOS







TLEN MOSTLA NICHIWAS WAN IWAYA SEKINOH

Tsahtok techpowilistli
© Secretaría de Gobernación
Consejo Nacional de Población (CONAPO)
Dr. Vértiz 852, Col. Narvarte
C.P. 03020, Ciudad de México
<http://www.gob.mx/conapo>
 gob.mx/conapo



iNa nikihtos! Tlen mostla nichiwas wan iwaya sekinoh

Senkahketl:

SG CONAPO
Nancy Lombardini Vega
Eréndira Garnica Calderón
Cristina Hernández Bolaños
Karla Berenice Hernández Torres

Kisenkahki wan momokwitlawi ni amochtli:

Maricela Márquez Villeda
Blanca Estela Melín Campos
Sergio Mariano Jiménez Franco

Tlaixpantilli wan ixkopintli:

María Lumbreras @la_lumbreras

Ixpintli tlen mopalewiah:

Pablo Leonardo Vega Rivas
Samantha Giovanna López Cornejo

Kikwepki tlahtolli:

Irla Élida Vargas Del Ángel

Tlapalewihs Fondeo para Niños de México A.C-ChildFund México.
Tlapalewihs Instituto Nacional de Lenguas Indígenas


Achtowi mochihki: agosto meetstli tlen 2022 xiwitl
Temakatok Organon. Moixkopinki ipan Mexiko

Tlen kipiah ni amochtli wan yolmelawalistli tlen ni weli motekiwis san moneki nochipa moihtos kanke kisah.



Kampa nesis tlen moihkwihtok

IXPANTILISTLI	4
1. KENIHKATSA NIKITAH NOXINAXTLAKAYO	7
2. NA NIKIHTOS	13
3. SENTILISTLI WAN NAMIHTILISTLI	17
4. NA NIMITSMOMOKWITLAWIA, TA TECHMOMOKWITLAWIA	25
5. NA NITSAKWILTIA TLEN NECHMELAWAS	29



IXPANTILISTLI



Ni Gobierno de Mexico, ika Weyitekikalko Secretaria General del Consejo Nacional de Población (CONAPO), kitlanana tlachiwalistli ma amo tlanemiltiseh ichpokameh wan moixpoliwis ika siwapilmeh. Ni Tekikaytol *Estrategia Nacional para Prevenir el Embarazo en Adolescentes* (ENAPEA) eli se tekitl sansehko kinchiyah Secretaria General del CONAPO ika secretariado tecnico tlen Weyitekikalko Instituto Nacional de las Mujeres (INMUJERES). Tlatlahko tekikalmeh tekitiah Secretaría de Educación Pública (SEP) wan Subsecretaría de Educación Media Superior (SEMS), Instituto Mexicano del Seguro Social (IMSS), Instituto Mexicano de la Juventud (IMJUVE), Centro Nacional de Equidad de Género y Salud Reproductiva (CNEGSR), Secretaría General del Sistema Nacional de Protección Integral de Niñas, Niños y Adolescentes (SIPINNA), Comisión para el Diálogo con los Pueblos Indígenas de México (CDPPIM), Sistema Nacional para el Desarrollo Integral de la Familia (SNDIF), nohkia sekih tekikalmeh tlen gobierno, tlanawatiyanih, tlamachtiyanih wan tlen tekitiah ika Fondo de Poblacion de las Naciones Unidas (UNFPA), wan sekih tekikalmeh tlen amo tekitiah ika gobierno kinixpantiah Balance, Elige, Mexfam wan ChildFund Mexico.

Keh motlachilihtok ika masewalmeh ipan Mexiko tlen sg CONAPO, nika tlaltokayotl ipan sesen tonalli panowa mil siwameh tlakonewiah wan yani ayahmo kikaxitiah 19 ixiwitl wan nohkia sesen xiwitl moamatlaliah tlakonewihtokeh diez mil pilsiwapilmeh tlen ayahmo kikaxitiah 14 ixiwitl. Tlah se siwapil tlanemiltia, amo kwalli pampa itlakayo axkana chikawak keh se siwatl, yani kichiwa ma amo momoyawas siwapil inemilis, kema siwapilmeh kinpiyah tlatlahko 11 wan 20 xiwitl amo kinpiaseh ininkonewa.

Kema masewalmeh kinpiyah tlatlahko 11 wan 20 xiwitl amo eli ma kinpiaseh ininkonewa, yani tonalpa eli ma kwalli motekiwiis ma momachtiseh, kintlachiliseh kenihkatsa kiknekih ininohtli, kenihkatsa kiknekih ininnemilis, kenihkatsa moixnextiseh iwaya sekino masewalmeh. Yani tonalpa motekiwickia ma mochiwas tlen kikneki kinasis iseltih noso iwaya sekino, kampa





kintlachiliseh ni tonalli wan tlen mostla panos, ma momachtiseh, kinyehyechiwaseh wan tekitiseh tlen inihwantih kinnekih.


Ni tonalpa eli kampa momachtiseh, kampa kintlachiliseh achi wehka asitih ipan tlamachtiloya wan nohquia achi kwalli inintekitl kinpiaseh wan nohquia mokwaltias ininnemilis, achtowi ni kinchiwaseh wan teipa kinpiaseh ininkonewa tlah ichpokatl nohquia tlah telpokatl.


Axkwalli tlah kinpewaseh ininsenyelis tlah axkinkaxitihtokeh sempoalli xiwitl, achi kwalli momachtiseh achi tilawak ohtli tlen tlamachtiloya; moamatlaliseh palewilistekikayoh keh *Becas de Bienestar de Educación Básica* wan tlen *Educación Media Superior Benito Juárez*; achi panos secundaria, moamatlalis kampa educación superior, moyolmelawas ma kwalli kinwikaseh ininnemilis ika xinaxtlakayoh tlanankilistli.

¡Na nikhtowa! Tlen mostla nichiwash wan iwaya sekinoh, eli se tlamtli tlen kiolinia iyoltlanotsalistli tlen siwapilmeh wan ichpokameh, nohquia ika ipalewilis okichpilmeh wan telpokameh.

Ika tekitsitsih, kisah tlen ipanimah mochiwa ipan senyelistli wan altepetsitsih ininyolko, motlanotsa ma moyolnotsakah. Ika yolmelawalistli tlen tepalewiah ma achi kwalli itstokah iwaya sekinoh masewalmeh, ininsenyelis, ininwampox, ininnamik, ma kiampa kihtoseh ika xoxolka kenikhatsa kiknekikh ininxinaxnemilis wan kema kinpiaseh ininkonewa.

Yani eli se weyitlamantli kampa moyolmelawa motepalewiah ichpokameh wan telpokameh, ma achi kwalli initstoseh ipan ni tonalli ipan ininnemilis wan nohquia, ma achi motetoniseh ika kwesolli welis kinpiaseh kema moweychiwa wan wewentsitsih mochiwa.





NOXINAXTLAKAYO





I. KENIHKATSA NIKITAH NOXINAXTLAKAYO



Ta, ¿tlakiya timachilia eli xinaxtlakayo?

Nohkia keh tisiwatl noso titlakatl, ni xinaxtlakayo eli se itlapankah toixnexkayoh. Ni xinaxtlakayo eli tlen se masewalli moyolnohnotsa wan kimachilia ipan itlakayo, kenhkatsa kichiwa tlen kikneki iselti noso iwaya sekinoh. Ni xinaxtlakayo moixpantia ika yoltlanotsalistli, tlen moilwia, tlen kinekiskia, tlen kichiwa wan kampa mosentilia iwaya sekinoh, wan mokwalchihchihtok ika yolistli wan nehnemelistli.

Ipan sekih altepetsitsih axiwikal motlachilia ni xinaxtlakayo ika siwameh wan ika tlakameh. Ipan miakih tonalli moixmatih tlen tlakameh inkinekih ika ixinaxtlakayo yese amo moixmatih tlen siwameh inkinekih yani moixpoliwhia; tlen moihtowa ika tlakayo eli tlakameh ininkamanal, nesiskiah keh siwameh axtlano inkinekih noso kihtoseh tlen inintlakayo.


Yani, siwameh wan tlakameh nochtiome kwalli tikihtoseh tlen tiknekikh; kema, ahkiya iwaya wan kenhkatsa moixnextis, tlah amo nesis noso kena mochiwas. Yani eli se xoxolka tekitsitsi.

Nika moixnextia sekih tlamantli tlen ipanimah mochiwa wan kampa moyokatlaliah siwameh.



Inihwantih kinmachtiah ma amo inkihtokah tlen kimachiliah, ma kinpewaseh se xinaxpantilistli wan ma nochipa kinnekiseh mopantiseh iwaya se siwatl wan nohkia ma moixnextiseh nochti matih tlen ni kamanall ma innihwantih kinmachtiseh ininnamik. Nohkia, mochia ma san kinpaktikah siwameh, axkwalli kinseliah tlah kipaktia iwikal wan axkiwelitah miakih xinaxtlakayo onka.





Ipan xinaxpantilistli siwameh moneki ma axtleno kinchiwaka wan ma axkinmatikah tlen nompona panos, ma axkinextikah tlen kiknekih wan nochipa kintlatskiliah ika tlasohtli wan tlanemiltlistli. Inihwantih san kinpaktiseh telpokameh, axonkas kampa kinpaktiseh iwikal wan axkiwelitah miakih xinaxtlakayo onka.

Ni Weyitlanawatilamatl Constitución Mexicana kiixmati wan kihtowa ma motlepanita tlen sesen masewalli kikneki ika itlakayo wan ika ixinaxnemilis. Axonka ahkiya mitstetsopas, mitstewilis, noso mitstlanawatis iyolnotsalistli noso tlaneltokilistli kenihkatsa moneki tichiwas moxinaxnemilis.



Xinaxtlakayo onka miak wan yani eli kema se masewalli mitspaktia welis se tlakatl noso se siwatl, nohkia welis mowikal. Yani moixpantiah ipan tonemilis itonal. Nochi weli kwalli tikihtoseh ika xoxolka, ika tlanankilistli wan ika yolmelawalistli ipan totlakayoh, toxinaxtlakayoh wan kema tiknekih tipiaseh tokonewa, tlen weli tikpias moxiwitl, tisiwatl noso titlakatl, tlah timasewaltsitsi noso amo, tlah timonamihihtok noso timosiwahtihtok, tlah seyok xinaxtlakayoh tiwelitah noso axkwalli tikpias motlakayoh.

Ni moxinaxtlakayoh tlah kwalli tikselia kwaltitok pampa ni weyi eli ma nochipa san kwalli tiitstos moseltih wan nohkia iwaya sekinoh, eli se masewaltechpowilistli tlen motetonia ika xoxolka wan kampa kwalli tiitstoseh wan nochi towikal, nohkia ma tikihtokah tlen tiknekih ika toxinaxnemilis wan ma axonkas kenke techtlatewiseh.



Ichpokameh wan telpokameh inintechpowilistli ika ininxinaxtlakayo yani:


- Techpowilistli ika xoxolka moihtos, ika yolmelawalistli tlen notlakayo wan noxinaxtlakayoh.
- Techpowilistli niyekanas wan nimoyolpakis ika noxinaxnemilis.
- Techpowilistli ma niixnextis nitlasohtla sekinoh kampa onkas masewalmeh.



- Techpowilistli nikihtos iwaya ahkiya nikneki nimowikas noso nichiwas noxinaxnemilis pampa nechpaktiah.
- Techpowilistli ma kintlepanitakah noyolmelawalis wan tlen san na nokamanal.
- Techpowilistli nichiwas nonemilis wan axonkas tlakiya techtlanawis ipan notlanamikilis wan noxinaxtlakayoh.
- Techpowilistli ika xoxolka wan ika yolmelawalistli nikihtos tlah nikneki nikpias nokonewa.
- Techpowilistli ma nochi towikal.
- Techpowilistli ma amo nechyokatlalikah.
- Techpowilistli nikpias yolmelawalistli tlen namah, tlen melawak, tlen ika temachtli, tlen ika ixmachtili wan amo ika teotlahtolli ipan xinaxtlakayo kitlatskiliseh.
- Techpowilistli ma nochi techmachtikah ika xinaxtlakayo ikamanal.
- Techpowilistli ma techtlachilikah kampa chikawalistli tekikalko wan nohkia tlah nikneki nipias nokonewa.
- Techpowilistli nimoixnextis ika xinaxtlakayo tlen na niwelitah.
- Techpowilistli nitekitis ika masewaltekkayotl tlen xinaxtlakayo ikamanal.



Xipehpeni se xinaxtechpowilistli tlen mitspaktiskia tiolinis iniwaya ichpokameh wan telpokameh tlen moaltepetsitsi wan xichiwa se ixkopintli kampa nesis tlen moihtowa ipan ni kaltsahkayotl.



¿Kenihkatsa ipan tochah wan ipan toaltepetsitsi weli timokamawiseh tlen ni xinaxtlakayo?

Ni xinaxtlakayo ipanimah tikpiyah ipan nochi tonemilis wan tlawel chikawak momachilia. Yeka achi owih mokakis tlen ni ipan tochah, ipan tlamachtilyo wan ipan toaltepetsitsi.

Yese, moixnextihtok kema timoyolmelawa wan timomachtiah tlen ni achi kwalli tiitstokeh ipan toxinaxnemilis: kikwaltiah totlanamikilis, kioliniah ma achi kwalli tiitstokah iniwaya sekinoh ma achi towikal timopatiitakah tlah tonamik noso san towampox; kiwehkawiliah tonalli ma timoxinaxpantiliseh wan kichiwa ma kema panos ni timotlepanitaseh, tiwelitaseh wan nohka ma titekiwikah pahtli tlen kitsakwiltiah konemeh.



Tikpia motechpowilis ika yolmelawalistli tlen namah, tlen melawak, ika tlaixmatili wan kampa axonka teotlahtol ika xinaxtlakayo kiampa ta tikihtos ika xoxolka tlen tikneki ipan monemilis.



Keh nesi ipan Weyitlanawatilamatl Constitucion, yolmelawalistli tlen namah eli tlen motetoniah ika tlaixmatiltehitemolistli tlen mohmostla moyekana ipan ni tlaltipaktli; keh motokachtiah laico tlamachtilistli eli kema amo onka teotlahtolli tlen nesis ika tlamachtilistli, san motlepanita nochi tlaneltokilistli wan axkitlalia sanse.

Tlawelmoneki ma timoyolemalawakah tlen xinaxtlakayo, ma timokamawikah wan ma timosenkawakah ma nochipa tiwelitaseh kiampa axtechtewiliseh wan amo titlanemiltseh tlah axkiampa tiknekih. Nohka weyieli titemoltiseh kampa techpalewiseh, tikamawiseh wan titlatelhwiseh kema techxinaxtekokoliah ika miakih inintlachiyalis.

Tlah axtleno tikihtowa wan nohka axtleno tikmatih welis siwapilmeh, okichpilmeh, ichpokameh wan telpokameh kinmelawaseh miak tlamantli tlen axkwalli, keh tlatewilistli, tekokolistli, xinaxtekokolistli, nimah monamihtiseh noso kintnopaseh ma kiampa kinchiwakah, noso ma kinpiaseh ininkonewa wan axmonamihtiseh iniseltih initstoseh, tlanemiltseh wan axkiknekih noso nohka momawaseh se xinaxkokolistli.




Ipan ni kaltsahkayotl xiihwiloh KENA noso AMO, tlah ipan mosenyelis motlepanitah ma nochimokamawikah, ma nochimowelitakah keh iwikal.

KENA/AMO
Timotlakakiliah wan timotlepanitah tlen tikihtowah, maskeh axiwikal.
Siwameh wan tlakameh tikpiyah iwikal totechpowilis.
Mooliniah ma sankwalli timomoyawakah nochisiwameh wan tlakameh.
Amo onka tewilitli, tlatetsopalli wan tlatewilistli ika siwameh, siwapilmeh wan okichpilmeh.
Nochi titekitiah ipan tekitsitsih tlen tochah.
Nochi timomokwitlawiah siwapilmeh wan okichpilmeh, masewalmeh tlen mokokowa, katli axkwalli kinpiyah inintlakayoh wan nohkia tlen wewentsitsih.
Nochi timomokwitlawiah tomin wan nohkia tikahokwiah.
Titekitiah ma nochikwalli tiitstokah ipan altepetsitsih.
Nochi siwameh wan tlakameh, nochimasewalmeh timoyolpaktiliah ika tokawil kema santiitstokeh wan axtleno tikchiwa.



¿Tlakiya weli tichiwas ma mokwaltias wikalistli ipan mochah?

Tlawelipatih ma timokamawikah tochah tlen xinaxtlakayoh ikamanal wan tikwaltiaseh wikalistli. Axmoneki tikihtos nochitlenmitsmelawa; Tlah titlahtlanis monanah, motatah, nososekinohmosenyeliswannohkiamasewalmeh tlen timachiliah mitstlasohtla weli se ohtlipantispalewilistliwan timonechikos.





NANIKIHTOS



2. NA NIKIHTOS

Ipan xinaxnemilis, kema tiwelitah eli senkawalistli ika xoxolka, sanpampa ipan moyoloh tikpiyah kiampa ome noso sekinoh masewalmeh kinchiwa xinaxpantilistli. Tlah mowelitah noso motlahtlaniah ma kintlepanitakah motechpowilis wan nohkia tlen sekinoh masewalmeh mochiwa temachtli moyawalko.

Ni welitalistli eli:

- Ika xoxolka tikihtos, axkana mitstetsopaseh, mitsnawatiseh wan nohkia axonkas tlailistli noso seyok tlamantli tlen kinenpolowa totlakayoh, ma kiampa timoxinaxpantilis (keh mitsalaxowa, mitstsokonia, mitsmanelowa, wan mochiwas xinaxpantilistli).
- Ta tikihtos kanke tikawilis ma asis wan nohkia titlepanitas kampa sekinoh masewalmeh mitskawiliseh ma tiasih.
- Xitehtemo tlakiya welis panos tlah timoxinaxpantiliah.
- Tlah amo tikneki titlaneltokilis tlen mochiwa kwalli tikihtos amo ipan tlen weli kawil, yani, kwalli timokwepas.
- Ipan tlen weli tlamantli, tlah elis monamik nochipa noso seyok tlen iwaya axnochipa tiitstok.



*Xiixtomah tlakiya timachilia eli welitalistli,
weli tichiwas ixkopintli noso titekiwis tlahtolli.*



Nochi tlamantli tlen xinaxtlakayo tlen amo tiwelitah mitstetsopa mitsxinaxtekokoliah. Axonka welitalistli ipan xinaxtlakayo kema pano ni:

- Masewalmeh moiwintihtokeh noso kintolohtokeh tlamantli tlen kinenpolowa totlakayo noso kema axkwalli inintlalnamikilis noso kochtokeh. Amo weli mowelitas xinaxpantilistli kema axkwalli titlachihtos tlen panos.
- Eli se xinaxtekokolistli kema se masewalli eli achi pisiltsitsi: se siwapil noso okichpil tlen amo kikaxitiah 14 ixiwitl iixpah se ichpokatl noso telpokatl tlen kipiah 15 noso kiasih 18 ixiwitl; se ichpokatsi noso se telpokatsi, iixpah se masewalli achi weyi keh 18 ixiwitl. Weyi masewalmeh maskeh ayahmo chikawak, tlawelkiixpanowa wan yani motsakwiltiah ika teilpiloya, tlah moxinaxpantiliah ika masewalmeh achi pisiltsi keh 18 ixwitl.
- Tlah se masewalli kintetsopa noso kinkahkayawa, kintlahtoltewiah ma mokawas ma kinmaneloseh noso kinxinaxpantiliseh.
- Kema se masewalli axkiselia kitekiwis se tlamantli ika momanawis condon noso kitsakwiltis konemeh ipan xinaxpantilistli, noso achtowi kihtok kena wan teipa amo kitekiwia, kitetsopa xoxolka tlen seyok masewalli wan kikawiliah ma welis tlanemiltis noso momawas ika xinaxkokolistli.
- Kema mochiwa se xinaxpantilistli wan axkikneki ika se inamik tlen axkiwelitak, teipa kema kinnawatihkeh ma monamihtih.



Amo titlachilis sankiah. Ni welitalistli amo mosenkawa kema mowasaniah se amatl, nochipa ipan sesen tonalli moneki onkas kamawilistli wan yolmelawalistli kampa ika temachtli moitas nochi xinaxpantilistli mochiwas pampa mosenkahtok wan moselialah, kinwelitah ahkaya kinchiwa.





Xikelnamiki se tlamantli kampa tichihki se tlamantli tlen amo tiknekiyaya, noso se kamanalli tlen seyok masewalli mitskamawihtok. Xiixtomah:

¿Kenihkatsa timomachili noso momachili ahkaya mitskamawihtok tlen kipanok?

¿Tlakiya mitschiwili noso kichiwili ma kichiwasquia tlen axkiknekiyaya?

¿Tlakiya mitsmahmawiyaya noso kimahmawiyaya?

Ni tlahtolli asertividad kihtosneki tipia xoxolkayotl, tiixmatih tlen mohneki mowaya, tlen tichiwas pampa itstok ipan moyoloh wan motlalnamikilis. Nochipa weli moihtos “AHMO” wan tikihtos tlen ta tiknekis ma mochiwas. Xitlahtlanih ma mitskakailikah: motlakayoh eli moaxkah wan san ta tikihtos tlakiya mochiwas iwaya.





“SENTILISTLI
WAN NAMIHTILISTLI”



3. SENTILISTLI WAN NAMIHTILISTLI

¿Tinekiskia timonamihtis noso
timosentilis iwaya seyok?

Kena Amo

¿Ika ketski xiwitl?

- Achtowi 18 xiwitl
- Teipa 20 xiwitl
- Teipa 25 xiwitl




¿Tlakiya tinekiskia tichiwas achtowi tichiwas ni?

¿Kenihkatsa eliskia masewalli tlen mitspaktiskia timosentilis, timonamihtis noso
timosiwahtis?

¿Tlakiya moneki mochiwas achtowi timosentilis, timonamihtis noso timosiwahtis?

¿Kenke?



"Nikpiyaya 12 xiwitl kema nitlanki primaria tlamachtilistli, tlen nompa axtleno, ayahmo nimomachtih pampa nikwesiwyaya. Teipa nikitski noaltepetsitsi, niyahki tepeko, wehkapa kampa Guerrero tlaltokahyotl, Teipanok, nikixmatki tlen namah noweweh, timosentilihkeh wan timosenkahkiah timokwepaskia toaltepetsitsi ma kiampa tipewaskia tosenyelis. Na nipikyaya mahtlaktli wan nawi xiwitl. Ipan nompa tonalli timosentilihkeh nimantsi nitlanemilti wan ika 15 kaxtoli xiwitl nipichkiah nokoneh. Nimonamihtih pampa kiampa ninehki, axkana ahkaya nechtsopako, namah nipikpia eyi nokonewa. Nimoyolpaki iniwaya eyi nokonewa, axnimatih tlah seyoh nikpias, axnimatih, welis seyok. Tlah niweliskia nieliskia tlamachtihketl, yese ika nosenyelis axkana niwelkiah."

Nayeli Mora ika 15 xiwitl, Guerrero

"Nika, tlamachtihketl, masewalmeh technamihtiah amo ika tlasohtli, technamihtiah ika masewalmeh tlen axtikixmatih tlamachtihketl, na axnimatih ahkiya eli, axnikixmatih axnimati kenihkatsa itokah, yese inyahkeya mokamawihtokeh iwaya isenyelis ne ichpokatl, ma monamihtis nowaya." Chihnavi meetstli teipanok Andrés Kipichtoya ikoneh.

Andres, ika 13 xiwitl, Guerrero.

"Keh masewalsiwapilmeh tlen Tepetl axkema timoilhwi ika 12 xiwitl timonamihtiskia. Totatahwa axkema techilhwia tlakiya moyolnohnotsa tlen tohwantih, pampa inmoilhwiah ni kamanalli san ininhwantih kinmatih. Yese maskeh na niyahtok nimomachtitoh tlamachtiloya, nikelnamiki axkana miak timokamawiyaya iwaya towampox tlakiya tichiwaskiah kema titlamiskiah primaria. Melawak, san timawiltiyayah wan tichiwaskia tlen tonanahwa techtlanawatiyah. Nikelnamiki se nopolwampox nechilhwii "tlah notatah kikneki nechnamichtis, achi kwalli nicholos nochah". Ipan nompa tonalpa amo nikwamachiliyah tlen techilhwiyaya. Notlamachtihketl tlen sexto xiwitl miak welta techilhwii ma titokiliskia tlamachtilistli, ma tikisaskiah tlen chinanko ma axtimolyolkokoliseh keh tonanahwa. Kema kitlachiliyah kwalli tichihikeya tochantekitl, technotsayayah ma techtlahltlaniskiah tlah tipiyayah senyelistli ipan Tlapa, pampa nepa kwali timomachtiskiah secundaria. Nesiyayah achi techtlasohtlayayah tohwantih keh okichpilmeh. Ipan nompa tonalli tiyawiyaya 54 ipan sexto; 34 tlen A nechikolistli wan 20 tlen B nechikolistli. Okichpilmeh eliyayah 32 wan tohwantih 22."

Centro de Derechos de la Montaña, Tlachinollan



“Nipiyayah 11 xiwitl kema nikakih techpehpenihkeh. Nikitak kenihkatsa motlailihkeh ma kiampa mosenkawayayah. Kema motsakwaskiah senkawalistli onkayayah pitsomeh wan miakih tlamantli tlen timotlakwaltiah...nicholoh. Tlawelnimahmawiyayah. Wan teipa, miak tlahtlakoli pampa tlen techpanoskia elskia pampa nicholoh tlen nochinanko”.

Odilia López Álvaro, chol siwatl wan
manawihketl ipan Centro de Derechos de la Mujer de Chiapas




*¿Tlakiya timoyolnohnotsa tlen kipanoh Nayeli, Andrés, Tepetl masewalsiwapilmeh
wan Odilia?*

*¿Kenihkatsa timoilhwiah sentilistli ipan 14, 15 noso 17 xiwitl kinmelawa noso kintsakwiltiah
mostla innemilis?*

¿Tlakiya elkih tlen kiwikak Nayeli wan Andrés ma monamihtiskiah saya pisiltsitsih?

¿Kenihkatsa kinmelawas inintlamachtilistli, inintekitl wan iwikal is niwaya iwampox?



Tlen achtowi moixnextih elih tlen panowa kema saya pisiltsitsi monamihtiah noso mosiwahtiah wan axinkiknekih ipan Matrimonios y Uniones Infantiles Temparanas y Forzadas (MUIF).

Eli kema mosentiliah achtowi kinkaxitiseh 18 xiwitl. Ni tlahtolli chikawak kiixnextiah kampa axiwikal kiampa mopantiah siwapilmeh, okichpilmeh, ichpokameh wan telpokameh, pampa axiwikal ininxiwitl, tlah siwameh noso tlakameh noso noch iome.

Kemantikah mosenkahtokeh intatahwa, ininkoliwa, ininteotah noso inamik tlen tlakatl kema achi weyi keh siwatl tlen ika mosiwahtis inihwantih kihtowa tlen mochiwas, ma kiampa mosentiliseh. Kemantikah kihtowa pampa axtleno kinpiyah, pampa kinyokatlaliah wan pampa owih tekitih. Kemantikah mopatlaliah kwaltlolli noso tomin tlen kintemakah ichpokatl isenyelis.

Kemantikah se ichpokatsi wan se telpokatsi mosenkawa mosentiliseh san pampa kiampa ipanimah mochiwa wan kintlachilihtokeh ipan ialtepetsitsi. Maskeh mowelitas tlah saya pisiltsitsih tlah kinpiaseh ininkonewa kitsakwiltis miak tlamantli pampa axweli kwalli motomintlaniseh, axkwall tekitiseh ipan ialtepetsitsi, wan nohkia axweli momachtiseh wan tekitiseh. Kema tiitstok ichpokatsi noso titelpokatsi eli tonalpa timomachtis, titekitis moixnexkayaoh, tlen ta tiknekis noso se weyitekitl iniwaya sekinoh masewalmeh. . . .





Onka miakih tlamantli axkwalli kema saya pisiltsitsih siwapilmeh, okichpilmeh, ichpokameh wan telpokameh: pampa yani axkwalli moweychihtok inintlakayo wan nohquia ininyoloh, axkana ika xoxolka kihtoseh tlakiya inkikneki, achi welis mikiseh kema tlakonewiseh wan nohquia kinkawaseh tlamachtiloya, nohquia owih motlanawatiseh wan kintehtemoseh inintekitl tlen kwalli ipan ni tonalli wan nohquia teipanok.

**Kema mosentiliah wan tlanemiltiah saya pisiltsitsih
kimelawa ipan itlakayoh ichikawalis wan itlanamikilis,
kenikhatsa moweychiwa siwapilmeh wan ichpokameh.**



*Ipan ni kaltsahkayotl ximachiyotlali ika ✓ kampa motlatskialiah ika namihtilistli
wan sentilistli kema saya pisiltsitsih:*

Axtleno kinpiah	
Itatahwa wan ikoliwa inintetonilis	
Tlen ipanimah mochiwa	
Pampa siwameh axmotlanawatiah iniseltih	
Pampa siwameh wan tlakameh axiwikal	
Axinkikneki kintokiliseh tlamachtilistli	
Siwameh kinyokatlaliah	
Moneki tomin noso tlamantli tlen miak ipatih wan mopatlaliah	
Teotlahtolli wan senyelistli kintetsopa	
Kimachiliah miak tlasohtli	
Tlanemiltlistli	
Pampa kikneki cholos ichah pampa kintekokoliah	



Ni namihtilistli wan sentilistli kema saya pisiltsitsih wan axinkikneki tsahtok ipan Mexiko pampa axkintlepanita masewaltechpowilistli wan kimahmatiah techpowilistli tlen siwapilmeh, okichpilmeh, ichpokameh wan telpokameh, inihwantih nesih ipan Weyitlanawatilamatl Constitución keh kinmanawiah tlanawatilli.

Ipan nochí tlaltokahyoh tlen ni Mexiko motsahtok namihtilistli noso sentilistli achtowi kinpiaseh 18 xiwitl.

**Weyi tlanawatilli Ley General de Derechos de Niños, Niñas y Adolescentes
(LGDNNA, 2014):**

Piltlanawatilli 45 “nochí tlanawatilli tlen Mexiko wan nohkia nochí tlaltokahyotl tlen ni, ika itekitl, kinsenkawaseh achi pisiltsih ma monamihtiseh noso mosiwahtiseh elih ika 18 xiwitl”.

Código Civil Federal (México, 2019):

Piltlanawatilli 14 “ma welí monamihtiseh noso mosiwahtiseh moneki kinkaxihtihtokeh 18 xiwitl” Nochí tlaltokahyotl tlen Mexiko kinchihkeya ipan icodigos ya ni.



¿Tlakiya tlachiwalistli welis mochiwaskia ipan tlamachtiloya noso altepetsitsi ma axonkas namaihtilistli noso sentilistli kema saya pisiltsitsih?

¿Tlakiya tikinhwiliskia mowampoyowa tlen ni namihtilistli noso sentilistli kema saya pisiltsitsih?



¿Tlakiya tikilhwiskia ahkaya kikneki mosentilis noso monamihtis saya pisiltsitsi?




Xikelnamiki moxiwitl tlawelweyi eli.

Kwalli eli ma tiwehkawas moxiwitl ma timonamihtis noso timosentilis. Nochipa weli tikpias monamik, se ichpokatl noso se telpokatl wan amo tlanemiltiseh wan amo motlaloseh. Nochipa onka kawil ma timosentilis, timosawahtis noso timonamihtis wan tipewas tichiwas mosenyelis.



OME TLAMANTLI

• TLEN MOMOKWITLAWIA •





4. NA NIMITSMOMOKWITLAWIA, TA TECHMOMOKWITLAWIA

Motekiwis pahtli ika motsakwiltis konemeh titokachtiah anticonceptivos ni nohkia ma axtimomawas ika kokolistli Infecciones de Transmision Sexual (ITS) tlakameh wan siwameh kinpiah inintlanankilis. Ma achi momanawis achi kinnamiki ma kintekiwiseh ome tlamantli.

Ni ome tlamantli tlen momokwitlawia motekiwis ipan sesen welta se tlakatl condon noso se siwatl condon wan seyok tlamantli noso tlakayotl itlapatilis kintokachtiah hormonal, kiampa motsakwilia se tlanemiltlistli wan axmomawas ika kokolistli Infeccion de Transmision Sexual (ITS). Nohkia, kema tlawel moneki, welis kema motsayanis noso mokotonas condon noso mokelkahkikh kitoloskia pahtli tlen kitsakwiltiah konemeh titokachtia anticonceptiva.


Motekiwis nochipa ome tlamantli tlen momokwitlawia eli achi temachtli, tlah elis ika san se monamik, noso iwaya seyok.

Moixmatis wan motekiwis ome tlamantli tlen momokwitlawia kwalli nesi tlanankilistli.





¿Kenihkatsa motekiwis?

1. Tlakatl kitekiwia se condon wan siwatl kitekiwia seyok tlamantli anticonceptivo keh ni implante subdermico yani kihtosneki kintlalia tlatsintla ipetlayo, ni Dispositivo Intrauterino (DIU) tlen cobre tepestli, nohkia onka DIU kintokachtia hormonal yani kihtosneki tlakayotl ipatlatilis, DIU tlen kintokachtiah ultima generación, nohkia onka tolohpahtli wan anticonceptiva tlatsopintli, se parche, se pilyawaltsitsi anillo noso tepestli espermicida.




2. Ma achi kwalli tekitis, sansehko motekiwis tlakatl condon ika seyok anticonceptivos Reversibles de Acción Prolongada (ARAP) keh ni DIU tlen cobre tepestli, DIU kintokachtia hormonal, DIU tlen kitokachtiah ultima generación wan implante subdermico yani kihtosneki kintlalia tlatsintla ipetlayo.



Ome tlamatli tlen momokwitlawia: 99% achi kwalli tekitia



Xitsakwa ipan se yalwaltsitsi ni ohtli métodos de barrera wan ika seyok kaltsahkayotl tlen hormonales tlakayotl itlapatilis.



Ipan ni kaltsahkayotl ximachiyotlali se ✓ tlah maneloli tlen ni pahtli anticonceptivos eli ome tlamatli tlen momokwitlawia, wan ximachiyotlali se X tlah maneloli AMO tekitih. Kema titlamis, xitlachili tlah kwalli tinankilli wan xitemaka se punto tlah kwali, simiakili nochí sansehko.

Ohtli tlen kitsakwiliah konemeh métodos anticonceptivos	Ome tlamatli momokwitlawia
1 Condon masculino + Implante subdermico	
2 Lamina espermicida + Condon masculino	
3 Condon masculino + Condon femenino	
4 Inyecciones + Vasectomia	
5 DIU + Condon masculino	
6 Condon masculino + Parche subdermico	
Nochí tlen kisatok	



¿Ketski kwalli titlanankili? _____. Xipatiitah tlah mitsnamiki sempa titlachilis ome tlamantli momokwitlawia. Sempa xitlachili sesen ohtli ni métodos anticonceptivos tlen achtowi neski wan ximomachtih kenikhkatsa motekiwia wan tlen achi kwalli tekitih. Xipehpeni katli achi kwalli mitsnamikis wan mowikas ika monemilis.

Xikixmatih wan xitlachili kanke mokawa kwaltlolli tlen xinaxtlakayo noso tlah tikneki tipias mokonewa, keh ni mitsyekanaseh, mitspalewiseh ma tikihtos noso tisenkawas se tlahtlanilistli tlen ni kamanalli.




¿Tlakiya kihtosneki tlanankilistli corresponsabilidad?

Ni tlanankilistli corresponsabilidad, kema mowelitah sansehko wan ika siwameh wan tlakameh kinpehpeniah wan kintekiwiyah ohtli métodos anticonceptivos yani kinpalewiah ma axonkas tlanemiltolistli tlen axkikneki wan ITS.



Tlanankilistli

Ohtli métodos anticonceptivos		OME TLAMANTLI TLEN MOMOKWITLAWIA
1	Condon masculino + Implante subdermico	✓
2	Lamina espermica + Condon masculino	✓
3	Condon masculino + Condon femenino	✗
4	Inyecciones + Vasectomia	✗
5	DIU + Condon masculino	✓
6	Condon masculino + Parche subdermico	✓





NA
NITSAKWILTIA
TLEN
NECHMELAWAS



5. NA NITSAKWILTIA TLEN NECHMELAWAS



Kwalli xiixpowá ni yolmelawalistli:

Ichpokatsih wan telpokatsih kinpiah ininxinaxpantilistli kema kinpiah 17.5 xiwitl, mekatsa kema pewah tlai eli kema kinpiah 17.9 xiwitl.


Tlen 25 por ciento tlen ichpokatsih tlen kinpiahkeh xinaxpantilistli ipan eyi meetstli wan moiwintihkeh amo kintekiwihkeh ohtli tlen ni métodos anticonceptivos kema moxinaxpantihkeh.




¿Kenke sekih ichpokatsih wan telpokatsih tlai? ¿Kema kinchiwah?

Tlailistli eli se tlamantli nimantsi kinenpolowa totlanamikilis, tlawelkinpaktiah wan itlanawilis weli elis nimantsi noso mowehkawas, keh ni:

1. Kinenpolowa iixko totlanamikilis kiampa axkwalli tisenkawa se kwesolli, axtikelnamikih, wan axkwalli timomachtiah. Nohkia, kichiwa ma kintehtemoseh tewilistli kampa amo onka kenke wan miakih tlamantli wan axkintlachiliah tlakiya panos, kinenpolowa nochí tlen timachiliah wan weli kichiwas ma tikitaseh tlayatentok, wan nohkia axkwalli timachiliah tlakwalli.



2. Kitlanawia cerebelo pampa kikixtiah tlanankilikli tlen totlakayoh, axkwalli tinehnemih pampa timowiwpikah wan axkwalli tikitskia tlamantli.
3. Kinenpolowa hipotáamo, yani kiyekana toyoloh itekitl. Ika tlailistli weli motemos noso motlehkos wan tikochis keh timihtok.
4. Tlah miak titlai weli tinenpolos seyok totlanamikilis itlapankah itokah hipocampo kichiwas ma tikelkawas nochi tlen panoh wan nohkia weli axmitskawilis matimomachtis.



Kema titlai monenpolowa nochi tlamantli tlen kiyekana totlakayoh yani itokah sistema nervioso central, tlah ni panos axkwalli titlanankilis, axkwalli tiyehyekos se tlamantli, axkwalli tihtos tlakiya kwalli noso amo, axkwalli timoyolnohnotsas, kinenpolowa nochi totlachiwalis wan tonemilis wan toxinaxtlakayoh.



¿Kenihkatsa mitsmelawa tlailistli ipan moxinaxtlakayoh? ¿Kenihkatsa axmomanelos tlailistli ika xinaxpantilistli?

Kema onka xinaxpantilistli momoyawa yankwik pakilstli itlachiyalis, yese welis motlanawis ika tlailistli noso tlah titekiwiah sekinoh tlamantli tlen kinenpolowa totlakayoh. Tlen achi weyi mitsmelawas yani: Owih tisenkawas welitalistli wan axkwalli mochiwas xinaxpantilistli; axmotekiwis condon noso mokelkawas seyok método de barrera, axtiknekis tiwehkawas ni xinaxpantilistli, axkwalli timomachilis teipa pampa welis timachilis tlahtlakolli, timoyolpachos, timokwalanis, timahmawis, wan nohkia timomelawas ika xinaxtekokolistli, ika sekih.



Tlah timachilis “Na amo nechpanos” yani amo titlachilis tlen welis panos wan axkwalli. Ma kwalli titekiwis condon moneki kwalli tiitstos wan nochi timachilis, tlen axkwalli yolmelawalis keh ni “axiwikal momachiliah”, axkinmatih ni tlamatli tlawelkinmanawiah, pampa kiampa onka neltokilistli mochiwas se xinaxpantilistli wan amo titlanemiltis wan nohnia amo timomawas ika ITS.



Ika ni yolmelawalistli xichiwa se tlahtolli kampa moixnextis axkwalli ichpokatsih wan telpokatsih ma tlai.



¡Ni tlailistli amo mitstsakwiltis moxinaxtlakayoh ika pakilstli, ika kwitlawilistli wan ika tlepanitalistli tlen masewaltechpowilis kinchiwa!





GOBIERNO DE
MÉXICO

GOBERNACIÓN
SECRETARÍA DE GOBERNACIÓN

CONAPO
CONSEJO NACIONAL DE POBLACIÓN

INALI
INSTITUTO NACIONAL DE LENGUAS INDÍGENAS

ORGANON

